

欽定舊五代

卷十
一之十七

蘇子瞻
和
浦

PDG

舊五代史卷十一

宋門下侍郎參知政事監修國史薛居正等撰

梁書第十一

列傳一 后如

文惠皇太后王氏開平初追謚太祖性孝愿奉太后未嘗小失色朝夕視膳爲士君子之規範帝嚴察用法無纖毫假貸太后言之帝頗爲省刑

北夢瑣言云梁祖父誠蚤卒有三子俱幼

母王氏攜養寄于同縣人劉崇家昆弟之中惟溫狡猾

無行崇母撫養之崇弟兄嘗加譴杖一日偷崇家金而竄爲崇追回崇母遮護之以免撻責善逐走鹿往往及

而獲之又崇母嘗見其有龍蛇之異他日與仲兄存入

黃巢軍作賊伯兄昱與母王氏尙依劉家溫旣辭去不知存亡及溫領鎮于汴盛飾輿馬使人迎母于崇家王

氏惶恐辭避深藏不之信謂人曰朱三落拓無行何處作賊送死焉能自致富貴汴帥非吾子也使者具陳離鄉去里之由歸國立功之事王氏方泣而信是日與崇母竝迎歸汴溫盛禮郊迎人士改觀崇以舊恩位至列卿爲商州刺史王氏以溫貴封晉國太夫人仲兄存于賊中爲矢石所中而卒溫置酒于母歡甚語及家事謂母曰朱五經辛苦業儒不登一命今有子爲節度使無忝前人矣母不憚良久謂溫曰汝致身及此信爲英特然行誼未必如先人朱二與汝同入賊軍身死蠻徼孤男稚女艱食無告汝未有恤孤之心英特卽有諸無取也溫垂涕謝罪卽令召諸兒子皆至汴友寧友倫皆立軍功位至方鎮

元貞皇后張氏乾化中追謚

五代會要云太祖皇后張氏早崩開平二年追封賢

妃至乾化二年十一月二十三日追冊曰元貞皇后又北夢瑣言云梁祖魏國夫人張氏碭山富室女父蕤曾爲宋州刺史溫時聞張有姿色私心傾慕有麗華之歎及溫在同州得張于兵間因以婦禮納之溫以其宿款謀國計必先延訪或已出師中途有所不可張氏一介

請旋如期而至其信重如此初收堯鄆得朱瑾妻溫告之曰彼旣無依寓于輜車張氏遣人召之瑾妻再拜張

氏答拜泣下謂之曰堯鄆與司空同姓之國昆仲之間

以小故尋戈致吾姻如此設不幸汴州失守妾亦似吾

女

妃之今日也又泣下乃度爲尼張恒給其費張旣卒繼寵者非人及僭號後大縱朋淫骨月聚鹿帷薄荒穢以

致友珪之禍起于婦人始能以柔婉之德制豺虎之心

如張氏者不亦賢乎

又案五代會要所載內職有梁

太祖昭儀陳氏昭容李氏歐陽史竝見家人傳

末帝德妃張氏五代會要云少帝妃張氏乾化五年九月二十四日冊爲德妃其夕薨案歐陽史次妃郭氏傳云晉天福三年詔太社先藏罪人首級許親屬收葬乃出末帝首遣右衛將軍安崇阮與妃

同葬妃卒洛陽又案五代史無外戚傳五代會要云梁太祖長女安陽公主降羅延規開平二年八月追封長樂公主降趙巖開平元年五月十一日封普寧公主降昭祚王氏開平元年五月十一日封金華公主開平二年十月封真寧公主乾化三年十月五日封少帝長女壽春公主乾化三年四月五日封第二女壽昌公主

乾隆四十九年校刊

貞明元年九月二十三日封今攷通鑑攷異引梁功臣
列傳云羅延規尙安陽公主又尙金華公主是書羅紹
威傳亦載開平四年詔金華公主出家爲尼是金華公主實歸羅氏五代會要闕載

舊五代史卷十一

舊五代史卷十一 硃證

梁列傳一后妃傳末帝德妃張氏 案龐元英文昌雜錄梁均王晉天福中始葬故妃張氏獨存考功員外商鵬爲誌文曰七月有期不見望陵之妾九疑無色空餘泣竹之妃今攷五代會要德妃張氏早薨歐陽史次妃郭氏莊宗入宮度爲尼是晉天福中尙存者郭妃非德妃與末帝同葬者德妃非郭妃也歐陽史不明言同葬者爲何妃文昌雜錄誤以尙存者爲故妃張氏蓋傳聞之失實也

十一

十一

十一

十一

十一

十一

舊五代史卷十一攷證

舊五代史卷十二

宋門下侍郎參知政事監修國史薛居正等撰

梁書第十二

列傳二 宗室

廣王全昱太祖長兄受禪後封乾化元年還睢陽命內臣拜餞都外王出宿至于偃師仍詔其子衡王友諒侍從以歸庶人篡位授宋州節度使貞明二年卒

五代會要云全

昱贈尚書令謚德靖

五代史闕文

全昱梁祖之兄也

全

既受禪宮中開宴惟親王得與因爲博戲

全昱酒酣忽

天子用汝爲四鎮節度使富貴

足矣何故滅他李家三百年社稷稱王稱朕吾不忍見

血吾族矣安用博爲梁祖不悅而罷臣謹按梁史廣王

全昱傳曰昱樸野常呼帝爲三宮中博戲之事諱之夫
梁祖弑二君弑一皇后名臣被害者不可勝紀及莊宗
卽位盡誅朱氏惟全昱先令終至道初知單州有稱
廣王之後與尼訟田者豈以一言之善獨存其嗣耶

友諒全昱子初封衡王後嗣廣王繼歷藩郡多行不法
坐弟友能反廢囚京師唐師入汴與友能友誼同日遇
害

友能全昱子封惠王後爲宋滑二州留後

案友能後以叛廢詳見末

帝紀又通鑑云龍紀元年夏四月陳州刺史惠王友能
反舉兵趣大梁詔陝州留後霍彥威宣義節度使王彥
章控鶴指揮使張漢傑將兵討之友能至陳留兵敗走
還陳州諸軍圍之秋七月惠王友能降庚子詔赦其死
降封房陵侯

友誼全昱子封邵王乾化元年以檢校兵部尙書充控

鶴指揮使坐友能反廢後爲唐兵所殺

安王友寧字安仁少習詩禮長喜兵法有倜儻之風太祖鎮汴累署軍職每因出師多命統驍果以從及擒秦宗權太祖令友寧艦送宗權西獻于長安詔加檢校右散騎常侍行右監門衛將軍自是繼立軍功累官至檢校司空兼冀柳二州刺史太祖駐軍岐下遣友寧領所部兵先歸梁苑以備守禦屬青帥王師範構亂以關東諸兵悉在岐隴欲乘虛竊發自齊魯至于華下羅布姦黨皆詐以委輸貢奉爲名陰與淮夷并門結好會有青人詰裴迪言其狀迪以事告友寧不俟命乃率兵萬餘

人東討師範遣其弟將兵圍齊州友寧引兵救之青寇大敗奪馬四千蹄斬首數千級及昭宗歸長安朝廷議迎駕功友寧授嶺南西道節度使加特進檢校司徒賜號迎鑾毅勇功臣時青寇數千越嶮潛伏欲入兗州友寧知之伏兵于兗南邀之大破賊衆竟無免者自是兗壁危窘友寧督諸軍進逼營兵首攻博昌縣月餘未能拔太祖怒遣劉捍督戰友寧乃下俘民衆十餘萬各領負木石牽牛驢于城南爲土山旣至合人畜木石排而築之寃枉之聲聞數十里俄而城陷盡屠其邑人清河爲之不流及進迫寇壘與青人戰于石樓王師小却友

寧旁自峻阜馳騎以赴敵所乘馬蹶而仆遂沒于陣友寧將戰之前日有大白蛇蟠于帳中友寧心惡之旣而果遇禍焉

密王友倫幼聰悟喜筆札曉聲律及長好騎射有經度之智太祖每奇之曰吾家千里駒也年十九爲宣武軍校景福初充元從騎軍都將尋表爲右武衛將軍漸委戎事太祖征兗鄆友倫勒所部兵收聚糧穀以濟軍須幽滄軍至內黃友倫前鋒夜渡河擊賊奪馬千匹擒斬甚衆因引兵往八議關卒逢晉軍萬餘騎友倫乃分布兵士多設疑軍因聲鼓誓衆士伍奮躍追斬數十里其

後李罕之請以上黨來歸爲晉軍所圍太祖遣友倫總步騎數萬越嶮救應遂大破晉軍唐朝加檢校司空守滕州刺史天復元年岐隴用兵晉人乘虛侵于北鄙友倫率徒兵三萬徑往礬山晉人望塵奔逸友倫與氏叔琮等躡其轍追至太原摩壘挑戰獲牛馬萬餘二年領所部兵西赴鳳翔前後累接戰三年昭宗歸長安制授友倫寧遠軍節度使檢校司徒賜號迎鑾毅勇功臣及太祖東歸畱友倫宿衛京師歲餘因會賓擊鞠墜馬而卒昭宗輶視朝一日詔贈太傅歸葬于燭山縣開平初有司上言曰東漢受命伯升預其始謀西周尚親叔虞

荷其封邑故皇兄存凋零霜露綿歷歲時恩莫逮于陟
岡禮方宏于事日皇姪故邕州節度使友寧故容州節
度使友倫頃因締構俱習韜鈐竝以戰功歿于王事永
言帶礪合議封崇于是存追封朗王友寧追封安王友
倫追封密王

郴王友裕字端夫太祖長子也幼善射御從太祖征代
性寬厚頗得士心唐中和中太祖會并帥李克用攻圍
華州賊將黃鄴固守甚堅俄有一人登陴大言克用令
北騎連射終不能中命友裕射之應弦而斃大軍喜噪
聲震山谷克用因以良弓百矢遺焉太祖鎮汴表爲宣

武軍牙校及蔡賊殄滅朝廷議功加檢校左僕射尋爲牙內馬步都指揮使景福元年總大軍伐徐時朱瑾領兗鄆之衆爲徐戎外援陣于彭門南石佛山下友裕縱兵擊之斬獲甚衆瑾領殘黨宵遁時都虞候朱友恭羽書聞于太祖誣友裕按兵不追賊太祖大怒因驛騎傳符令裨將龐師古代友裕爲帥仍令按劾其事會使人誤致書于友裕友裕懼遂以數騎遁于山中尋詣廣王于輝州以訴其冤賴元貞皇后聞而召之令束身歸汴力爲營救太祖乃捨之令權知許州乾寧二年加檢校司空尋爲武寧軍節度畱後四年太祖下東平改天平

軍畱後加檢校司徒光啓元年再領許州天復初爲奉國軍節度畱後太祖兼鎮河中以友裕爲護國軍節度畱後尋遷華州節度使加檢校太保興德尹天祐元年七月兼行營都統領步騎數萬經畧邠岐十月友裕有疾將校乃謀旋師尋卒于梨園歸葬東京開平初追贈郴王乾化三年又贈太師

博王友文本姓康名勤太祖養以爲子受禪後封爲王下有文爲東京留守嗜酒頗怠于爲政友珪弑逆竝殺友文末帝卽位盡復官爵

友珪小字遙喜母失其姓本亳州營妓也唐光啓中帝

徇地亳州召而侍寢月餘將捨之而去以娠告是時元貞皇后賢而有寵帝素憚之由是不果攜歸大梁因留亳州以別宅貯之及期妓以生男來告帝喜故字之曰遙喜後迎歸汴受禪後封郢王開平四年十月爲檢校司徒充左右控鶴都指揮使兼管四蕃將軍乾化元年充諸軍都虞候二年弑太祖篡位均王以兵討之自殺追廢爲庶人五代會要云郢王友珪開平元年五月九日封至乾化二年六月三日篡位僞改鳳歷元年三月十七日京城軍亂侍衛袁象先率兵入官友珪自殺少帝卽位追削爲庶人又載周廣順中張昭修實錄奏云梁末帝之上有郢王友珪篡弑居位未有紀錄請依宋書劉劭例書爲元凶友珪案梁實錄今無